



Muscogee (CREEK) Nation

Executive Office

YEKICKV HAYEYAT ESOLE OSTVPAKAT,

COKPE-RAKKO PALE-HOKKOLEN PALE HOKKOLEN OSTOHKAKAT

**“ETOHKVLKETV COSKV MVPE NETTV” MV VRAKKVN HEYVN NETTVN
HUERICVHANEYAT MVN NVKAFTET OWES**

Ohyekickv Mvskoke Etlwv em Mekko mecvhanet os

OHYEKICKV

MOMATEN, Mv Mvskoke Em Etlwv pum mv vculvke tate hvsaklatkv-lecv ekvnnv vpokepvtv mvn vheremahen vtokhet ohrolope Cokpe rakko-hvmken cokpe-pale cenvpaken pale-tutcenat emoketv heyv Este-Cate Emekvn-tvcke mv vpehoyicakhoyvtet os;

MOMEN, Mv Locv Pokv Etlwvt mvt Este-Mvskokvlke enhvteceskv tat ohrolope cokpe rakko hvmken-cokpe pale-cenvpaken pale-tutcenat-epakat mvn cuko mocvse mv Akensa Hvcce vpicece ayat mv rvpokvtet omes mvt mocv nettv Tvlse mvt ontos;

MOMEN, Locv Pokv mvt mv nvkvftetv rakko coskv mvpe mahet hueren mvn entotkv vcaat en torvww svwvten mvn vpoyakvtes, momen mvt enhvteceskv mvn vteloketv hakvtet owes, mvn Em Etlwv Cuko Rakko, rakvwvpaket mvn liken hvteceskosat, afvcketv akopvnaket, momen ohvtvlaket nak eten wiyetv mvo mecaket momen setenyoposketv mvo momen;

MOMEN, Mv Tvlse tvlof-rakko Locv Pokv hocfkv Locv Pokv Tvlse mvo matat owtet owes Mvskoke Opunvkv “Tvlvhasse” tvlof leskv maketvt owes momen;

MOMEN, Etohkviketv Coskv Mvpe mv cakhe emonket huerat Mvskoke Etlwv em vcake mahet owat vrakkuecet vcayecetv ohrolope cokpe rakko hvmken palen ostvpohkaken pale-kolvpaken epohkaken mv Tvlw-vlke Estvmv Vpvkakat Eskerkueckv ocakat ofv eskerkuehocvtet owes;

MOMEN, Etohkviketv Coskv Mvpe nvkvftetv enhvteceskv vcayetskv vteloketv ocakat Otowoskv Rakko nettv pale-hokkolen epohkakat, ohrolope cokpe rakko hvmken cokpe ostvpohkaken epohkaken mv en hvteceskusat Este-Mvskokvlke mv roricvte ohrolope cokpe hvmken palen cahkepen oren mvn ehossvkekot vrakkueckv ocakvtet owes;

MOMEN, Heyv en nvkvftetvn mv Tvlse tvlof-rakko em vwolicvke tvcako ome cahmelikvke mvo em vtotketv ome hvlvtakat momen mv Mvskoke Etlwv Rvnavkhakv enhvteceskv mvt etekerrakvtet owes;

MOMEN, Mvskoke Etlwv tat ohrolope hvmkat mv vlhekat mv Nvkvftetv Rakko Coskv Mvpe heyvn etohkviket mv Locv Pokv omecicen Tvlse tvlof-rakko mvn vlicevte momen mv Mvskoke Em Etlwv Cuko Rakko ocaket emonket pum fulletv mvo mv arrakusat mvn nakaftet vrakkuecet emonket ontos;

MOMEN, Mv cokpe-rakko pale-hokkolen pale hokkolen ostohkakat Coskv Mvpe Rakko Nettv vrakkv huericeyat Ehole ofv ostvpakat, cokpe-rakko pale-hokkolen ostohkakat palen hvmkontvlakak mvn maket huericet os.

HEYVT MON OHYEKCICKV HAYEYAT MVT MOWEYVRES:

Vne, David W. Hill Mvskoke Etlwv En Mekko Owet, mv yekcetv vm hoye hueriyat momen Ehole nettv ostvpakat ohrolope cokpe rakko pale-hokkolen ostohkakat mv Coskv Mvpe Nettv mvn ohyekicet os. Este-Mvskoke pum vculvke tate mvt vheremahe vtohoken vtohkakhoyvte mv Nene Estemerketv ohsvpaklet estemerketv rakko hecaket hesahoket yicvte, mvn omecicat momen pum etlwlvke, lomlohicet momen pumestvcako sohyekicet ocet ontos. Heyv vrakkueckv fulleyat pale hvmken-epohkaken oce monket os momen em etlwlwv fullaket emonket owet momen pum vpeyetv fullet momen pum punvkv punahoyet mvo mvhayakat emonkat omecicen totkv vcake vcayecaket momen movv nettv vlakak vhetkaket emonket ontos.

AKERRV HECEN,

Heyv cvnken owit oh sahtis momen eskerkv heyvn nettv Ehole, ostvpakat cokpe-rakko hokkolen pale-hokkolen ostohkakat.

David W. Hill

David W. Hill, Mekko
Mvskoke Etlwv

